

A muiñeira planta cara ás sevillanas

Escrito por D. Vazquez - Faro de Vigo
Xoves, 24 Abril 2008 02:18



Veciños de Baiona preparan un "serán" en protesta pola Feira de Abril do concello. Buscan "enriquecer" con folclore autóctono a Feira de Abril que o concello organiza, como homenaxe a Andalucía, para este fin de semana. A asociación cultural baionesa Ximbaleu anunciou onte a súa intención de ofrecer o sábado, como alternativa ás sevillanas, un "serán" tradicional que pretende facer soar a música de gaitas e panderetas máis alto que as sevillanas que se interpretarán baixo a carpa que se prepara xa no praza do concello.

As súas críticas céntranse principalmente no goberno municipal, ao que tamén reprochan que reserve o próximo 17 de maio, Día das Letras Galegas, para a celebración da Festa da Bicicleta. "Non habería días no ano", lamentan desde Ximbaleu, que recorda a vinculación co Val Miñor do escritor homenaxeado este ano, Xosé María Álvarez Blázquez. Co "serán" do sábado pretenden tamén chamar a atención do concello sobre a necesidade de promocionar mellor a tradicional Danza das Espadas, "que os mariñeiros baioneses manteñen viva desde fai 500 anos", sinalan

Continúa no [Faro de Vigo](#)